

金

匱

縣

解

金匱懸解卷十九

外科

昌邑黃元御坤載著

瘡癰腸癰絞淫

瘡癰者營衛壅阻之病也營氣得寒血脈凝滯壅阻衛氣蓄積結硬衛鬱熱盛肉腐爲膿膿不泄則爛筋筋爛則傷骨骨傷則髓消筋骨肌肉不相榮經脈敗漏蒸於五藏藏傷則人死矣淺者爲癰深者爲疽癰者衛營之壅塞於外者也疽者氣血阻滯於內者也疽之外候皮夭而堅癰之外候皮薄而澤陰陽之分也仲景於癰疽之門獨列腫癰

腸癰二種腫癰卽癰之淺者腸癰卽癰之深者證不多舉而義已概矣靈樞癰疽之篇條緒繁多不過此兩者之傳變而已無煩詳引也。

瘡癰一

諸浮數脈應當發熱而反洒淅惡寒若有疔處當發其癰。

此段見傷寒脈法諸脈浮數當發熱而反洒淅惡寒此熱鬱於內不得外發陽遏不達故見惡寒若有疼痛之處則內熱鬱蒸肉腐膿化當發其瘡癰也。

瘡癰二

師曰：諸癰腫欲知有膿無膿，以手掩腫上，熱者爲有膿，不熱者爲無膿。

內熱盛則蒸腐血肉而爲膿，以手掩腫上，熱者是內熱已盛，膿化結消而陽氣外越也。故知有膿不熱者，血肉腫結，陽鬱未達，故知無膿。

癰三

問曰：寸口脈浮微而澹，法當亡血。若汗出，設不汗出者，云何？曰：若身有瘡，被刀斧所傷，亡血故也。

寸口脈浮微而澹，氣虛則浮微，血虛則澹，法當亡血。若汗

出以其氣血鬱蒸而外泄汗出則血消血消則氣亡寸口脈浮微而瀉氣血俱虛如此是非亡血卽汗出也設不汗出必當亡血若夫身有瘡癰或被刀斧所傷營血失亡故脈如此也

腫癰四

腫癰者少腹腫痛按之卽痛如淋小便自調時時發熱自汗出復惡寒其脈遲緊者膿未成可下之當有血脈洪數者膿已成不可下也大黃牡丹湯主之

腫癰者少腹腫痛癰之外在肌肉者也肌肉垂腫內阻腸

胃之氣結而不行，故痞硬不軟。按之裡氣愈阻，膀胱經脈壅塞，木氣鬱迫，故其痛如淋。病不及府，水道無阻，故小便自調。陽氣鬱蒸，皮毛不合，故發熱汗出。而陽鬱不能透泄，故仍復惡寒。其脈遲緊，則血肉凝塞，隧道不通，膿尚未成。可以下之。當有血也。脈洪數者，熱盛膿成，不可下也。大黃牡丹湯、牡丹、桃仁、瓜子，排決其膿血。芒硝、大黃，洗滌其鬱蒸也。

大黃牡丹湯 百四十五

大黃 四兩
芒硝 三合
瓜子 半升
丹皮 一兩
桃仁 五十枚

右五味以水六升煮取一升去滓內芒硝再煎沸頓服之有膿當下無膿下血。

腸癰五

腸癰之爲病其身甲錯腹皮結按之濡如腫狀腹無積聚身無熱脈數此謂腸中有癰膿。慈以附子敗醬散主之。

夫腸癰者癰之內及六腑者也。血氣凝滯外不華膚故其身甲錯腸胃痞脹故腹皮緊急。墜腫在內故按之濡塌形如腫狀其實肌膚未嘗腫硬也。病因腸間癰腫腹內原無積聚瘀熱在裏故身上無熱而脈却甚數。此謂腸中有癰。

也。蓋樞癰疽寒邪客於經絡之中，則血滯。血滯則不通，不通則甲錯衛氣歸之，得復反，故壅腫。寒氣化爲熱，熱盛則肉腐，肉腐則爲膿。是癰成爲熱，而其先則寒也。寒非得溼，則不凝。薏苡附子敗醬散，薏苡去溼而消滯，敗醬破血而宣膿，附子溫寒而散結也。

薏苡附子敗醬散 百四十六

薏苡 十分 附子 二分 敗醬 五分

右三味杵爲散，取方寸七，以水二升煎減半，頓服，小便當下。

全日異角 名一
排膿湯

百四十七

甘草

二兩

桔梗

三兩

生薑

一兩

大棗

十枚

右四味水三升煮取一升溫服五合日再服。

排膿散

百四十八

枳實

十六枚

芍藥

六分

桔梗

二分

右三味杵爲散取雞子黃一枚以藥散與雞子黃相等攪勻相得飲和服之日三服。

金瘡六

病金瘡王不留行散主之

金瘡失血，溫氣外亡。乙木寒溼，必生風燥。王不留行散，甘
草補中，厚朴行滯，椒薑煖血而扶陽，芎藭清肝而息風，蒲
香細葉行瘀而化凝，桑根王不留行，通經而止血也。

王不留行散

百四十九

王不留行

十分八月日採燒

甘草十八分

厚朴二分

蒲葇細葉十分

七月日採燒黃芩二分

芍藥二分

乾薑二分

川椒三分除目及開口

桑東南根白皮

十分三月日採燒

右九味，桑皮蒲葇王不留行燒灰存性，勿令灰過，各別
搗篩，合治之爲散，服方寸七日，三小瘡卽粉之，大瘡但

服之。產後亦可服。如風寒。乘東南根。勿取之。燒灰。三物皆陰乾。百日用。

浸淫瘡七

浸淫瘡。從口流向四肢者。可治。從四肢流來入口者。不可治。浸淫瘡。黃連粉主之。

素問玉機真藏論。夏脉太過。則令人身熱而膚痛。爲浸淫。氣交變論。歲火太過。身熱骨痛。而爲浸淫。靈樞經。疽發於足上下。名曰四淫。四淫者。瘡之淫。洩於四肢。卽浸淫瘡之謂也。熱毒浸淫。從口流向四肢者。毒散於外。故可治。從四肢

流來入口者毒結於內故不可治。黃連粉泄熱而清火也。

黃連粉 百五十

黃連

原方闕載。大概以連一味作粉。粉瘡上以泄毒熱也。

金匱懸解卷二十

昌邑黃元御坤載著

婦人

妊娠

胎元化生非有他也。氣以煦之，血以濡之，而已。氣惡其滯，滯緣於濕，血恐其鬱，鬱因於風。妊娠養胎之要，燥土而行滯，潤木而達鬱，無餘蘊矣。血統於乙木，氣統於辛金，而肺病則濕，肝病則燥，以足厥陰主令於風木，手太陰化氣於濕土，故行氣以燥土爲先行，血以潤木爲首，仲景以妊娠

全圖角 卷二
之門。溫涼燥潤四法俱備。大要在建中而培土。中氣健旺。而後用涼潤於東南以治木火。則血調矣。用溫燥於西北以治金水。則氣調矣。氣血均調。而胎元化育。妊娠何得有餘病也。

妊娠一 妊娠一

師曰。婦人得平脈。陰脈小弱。其人渴不能食。無寒熱者。妊娠。桂枝湯主之。方見下利於法六十日當有此証。設有醫治逆者。却一月。加吐下者。則絕之。

婦人得和平之脈。而尺脈小弱。其人渴不能食。外無寒熱。

表証是名妊娠。難經命門者，諸精神之所舍，原氣之所係也。男子以藏精，女子以繫胞。蓋子宮者，少陰腎之位也。故脈見於尺胎之初結，氣血凝塞，不見流溢，故脈行小弱。胎妊方成，中氣塞滿，胃逆不降，故惡心嘔吐，不能甘食。胃逆則金火皆升，是以發渴。桂枝湯甘草大棗補其脾精，桂枝芍藥調其肝血，生姜降逆止嘔，妊娠初治之良法也。於妊娠之法，六十日間當有此證，設有醫治之逆者，卻一月之內而見此証，加以吐下之條者，日期凌近而吐下大作，此中氣之敗，不關胎故，則調變中氣，絕其病本也。

名醫類聚卷之二
二
妊娠二 癥瘕二

婦人宿有癥瘕。經斷未及三月。而得漏下不止。胎動在臍上者。爲癥瘕害。妊娠六月動者。前三月經水利時胎也。下血者。後斷三月。衄也。所以血不止者。其癥不去故也。當下其癥。桂枝茯苓丸主之。

婦人宿有癥瘕之病。經斷未及三月之久而得漏下不止。胎動在臍上者。此爲癥瘕之害。蓋癥瘕不在胎宮。所以受胎。將及三月。胎氣漸大。與癥瘕相核。此後經血被癥瘕阻格。不得滋養。胞宮是以漏下不止。妊娠六月胎動者。前三

月經水利時之胎也。經漏下血者，後斷經三月之衃也。後斷經三月，前經利三月，合爲六月。其初漏下之血塊，乃後斷三月化胎之餘血凝而成衃者也。所以此後之血不止者，無胎時竅遂空虛而莫阻胎成，血阻而病漏下。此以其瘕不去也。當下其瘕，瘕因土濕木鬱而結。桂枝茯苓丸，桂枝芍藥疏木而清風，丹皮桃仁破瘀而行血，茯苓泄水而滲濕，以漸而消磨之。此妊娠除瘕之法也。

桂枝茯苓丸

百五十

桂枝

芍藥

桃仁

去皮尖熬

丹皮

茯苓

等分

右五味末之煉蜜丸如兔矢大每日食前服一九不知
加至三九

妊娠三

婦人懷孕六七月脈弦發熱其胎愈脹腹痛惡寒少腹如扇
所以然者子藏開故也當以附子湯溫其藏

木鬱則脈弦木鬱陽陷故發熱而惡寒木鬱尅土故胎脹
而腹痛木鬱生風故少腹涼氣如扇所以然者土濕水寒
肝木不榮陷而生風疏泄失藏致令子藏開張也當以附
子湯溫其竹藏苓附泄水而驅寒參朮補土而益氣芍藥

斂木而息風水濕土燥木榮風息則寒熱止而痛脈消矣

附子湯

百五十二方見傷寒少陰金匱失載此取傷寒

附子

三枚去皮茯苓

三兩人參二兩

白朮四兩

芍藥三兩

右五味以水八升煮取三升去滓溫服一升日三服

妊娠四胞阻四

師曰婦人有漏下者有半產後因續下血不絕者有妊娠下血者假令妊娠腹中痛爲胞阻膠艾湯主之

非經期而下血如器水漏滴謂之漏下土弱木鬱不能養胎則胎落而半產半產後肝脾遏陷陽敗不能溫升因續

下血不止。肝脾陽衰。胎成氣滯。木鬱血陷。故妊娠下血。如宿癥漏下之類。假令妊娠腹中疼痛而下血。此爲胞阻。胞氣阻。破經血。不得上行而下也。胞阻之病。因木鬱風動。經脈寒澁而成。膠艾湯。芍地歸芍。養血而行瘀澁。阿膠艾葉。清燥而溫寒凝。甘草補土而暖肝氣。木達則阻通矣。

膠艾湯 百五十三

阿膠

二兩

艾葉

三兩

甘草

二兩

川芎

二兩

乾地黄

六兩

當歸

三兩

芍藥

四兩

右七味。以水五升。清酒三升。合煮取三升。去滓。內膠。合

消盡溫服一升日三服。

妊娠五。腹痛五。

婦人懷娠腹中疝痛當歸芍藥散主之。

疝說文作疝音絞腹中急也。

胎成氣滯濕土賊於風木則腹中疝痛當歸芍藥散芎歸芍藥潤肝而行瘀苓澤白朮泄濕而燥土也。

當歸芍藥散 百五十四

當歸 二兩 芍藥 一斤 川芎 三兩 茯苓 四兩 澤瀉 半斤

白朮 四兩

右六味杵爲散取方寸匕酒和日三服。

妊娠六

嘔吐六

妊娠嘔吐不止，乾薑、人參、半夏丸主之。

中焦鬱滿，胃氣上逆，則嘔不止。乾薑、人參、半夏丸，乾薑、人參溫中而益氣，半夏薑汁降逆而止嘔也。

乾薑、人參、半夏丸

百五十五 按此方以生薑汁煉蜜爲丸。治反胃嘔吐甚，則加茯苓愈效。

乾薑

一兩

人參

一兩

半夏

二兩

右三味，末之，以生薑汁糊之爲丸。如梧子大，飲服十丸。

日三服

妊娠七

小便七

妊娠小便難飲食如故當歸貝母苦參丸主之。

水生於肺金而泄於肝木。妊娠中氣鬱滿升降失職。金逆而生上熱木陷而生下熱。源流湮塞。故小便艱難。當歸貝母苦參丸。當歸滋木而息風。貝母泄熱而清金。苦參泄濕而利水也。

當歸貝母苦參丸

百五十六

當歸

四兩

貝母

四兩

苦參

四兩

右三味末之。煉蜜丸如小豆大。飲服三丸。加至十九。

妊娠八

水氣八

妊娠有水氣身重小便不利。洒淅惡寒起卽頭眩。葵子茯苓散主之。

妊娠內有水氣身體沈重。土濕木鬱。疏泄不行。故小便不利。木鬱陽陷。陰氣外束。故洒淅惡寒。水邪阻隔。陽氣升浮。故起卽頭眩。葵子茯苓散。葵子茯苓滑竅而泄水也。

葵子茯苓散 百五十七

葵子 一升
茯苓 三兩

右二味杵爲散。飲服方寸匕。日三服。小便利卽愈。

妊娠丸

婦人妊娠宜常服當歸散主之

胎之結也。賴木氣以生之。借土氣以養之。妊娠所以多病者。土溼而木燥也。燥則鬱熱而尅土。故妊娠所宜常服者。培養土木之劑也。當歸散。白朮燥土。歸芍潤木。芩苓清熱而行瘀。土旺木榮。妊娠無餘事矣。

當歸散 百五十八

當歸 一斤 芍藥 一斤 黃芩 一斤 白朮 半斤 川芎 半斤

右五味。杵爲散。酒服。方寸匕。日再服。妊娠常服。卽易產。

胎無疾苦。產後百病悉主之。此方疑是有產安胎。產後百病悉主。此句必錯。

妊娠十

妊娠養胎白朮散主之

胎之所以失養者土溼水寒而木氣鬱結也妊娠養胎燥土暖水疏木散結而已矣白朮散木椒燥土而暖水川芎疏木而達鬱牡蠣消痰而散結斂神而保精養胎之善方也

白朮散 百五十九

- 白朮
- 蜀椒 去汗
- 川芎
- 牡蠣 等分

右四味杵為散酒服一錢七日三服夜一服但苦腹

痛加芍藥心下毒痛倍加川芎心煩吐痛不能飲食加細辛一兩半夏大者二十枚服之後更以醋漿水服之若嘔以醋漿水服之復不解者小麥汁服之已後瀉者大麥粥服之病雖愈服之勿置。

妊娠十一 傷寒腹滿丸

婦人傷胎懷身腹滿不得小便從腰以下重如有水氣狀懷身七月太陰當養不養此心氣實當刺瀉勞宮及關元小便微利則愈。

婦人傷胎以致懷身腹滿不得小便從腰以下沉重如有

水氣之狀。懷身七月。手太陰之經當養而不養。此濁陰上逆。填於陽位。心氣鬱塞而成實也。蓋胎之結也。一月二月。木氣生之。三月四月。火氣長之。五月六月。土氣化之。七月八月。金氣收之。九月十月。水氣成之。五氣皆足而胎完矣。足太陰以濕土主令。手太陰從濕土化氣。懷身七月。正手太陰當養之時。而土氣濕旺。故當養不養。濕旺則氣滯。不能化水。故腹滿而便重。下重而如絮狀。淫氣疑滯。火無降路。必尅辛金。而生上熱。故心下成實。勞宮者。手厥陰之穴。脈動於掌心。刺勞宮以泄厥陰之滯。則心亦泄矣。以君相之火同。

氣也。關元任脈之穴。在臍下三寸。小腸之募。刺關元以泄小腸之滯。則心亦泄矣。以丙丁之火同氣也。氣通火化。小便微利。濕氣溲泄。則病愈矣。

金匱懸解卷二十一

昌邑黃元御坤載著

婦人

產後

婦人產後，血室空洞，陰虛之病固多。而溫氣亡泄，陽虛之病亦自不少。產後三病，瘧、冒、便難，皆陰虛而兼陽弱者也。至於胃實腹痛、血瘀、惡露未嘗不用泄下，此以物聚而成實者也。若非陳宿凝聚，不得實也。故產後之病，切以中氣為主。蓋亡血木枯，乃中氣尅傷之本。徒知木燥而不知土

虧非良工也

產後一

問曰新產婦人有三病。一者病瘧。二者病鬱冒。三者大便難。何謂也。師曰。新產血虛。多汗出。喜中風。故令病瘧。亡血復汗。寒多。故令鬱冒。亡津液。胃燥。故大便難。

新產血虛多汗。易感風邪。風閉皮毛。血虛筋燥。經脈攣縮。故令病瘧。亡血復汗。陽泄寒多。木過陽陷。不能外發。陰邪閉束。清氣幽埋。故令神昏而鬱冒。汗亡津液。胃陽乾燥。故竅溢而便難。此新產婦人之三病也。

產後二

產婦鬱冒其脈微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之

產婦陽陷而病鬱冒溫氣亡泄故其脈微弱胃氣上逆故嘔不能食血脫腸燥故大便反堅陽不歸根故頭上汗出所以然者血性溫暖而胎君火血脫則溫氣亡泄寒盛而發厥逆厥則木遏陽陷必生鬱冒冒家欲解陽氣外達發

於羣陰之內透圍而出必作大汗也。血虛下厥，孤陽不歸，泄而失藏，故頭上汗出，益陰中之陽下陷，則病鬱冒。陽中之陽上逆，則見頭汗也。所以產婦喜出汗者，以其亡陰血虛，陽不歸根，獨盛於上，蒸泄皮毛，故當汗出。陽隨汗泄，與陰氣相平。陰陽之顛倒而反常者，乃復其本位也。其大便艱難，嘔不能食者，膽胃上逆，飲食不下，宜小柴胡湯。柴、芩、半夏清膽火而降胃逆，薑、甘、參、棗補脾陽而滋肝血也。

產後三

胃實發熱十三

病解能食七八日更發熱者，此爲胃實。大承氣湯主之。

方在
痙病

鬱行病解嘔止能食七八日後更發熱者此產後陽虛飲
食不消宿穀壅阻陽格於外而發熱也病本爲虛而宿食
停留則爲胃實大承氣湯下其宿食則陽秘而熱止也。

產後四

腹痛十四

產後腹中疝痛當歸生薑羊肉湯主之

方見
寒疝

并治腹中寒疝

虛勞不足

產後陽亡土濕血虛木燥濕土逼陷風木不達鬱迫衝擊
則病腹痛當歸生薑羊肉湯當歸滋風木而潤燥生薑羊
肉溫肝脾而行鬱治腹痛血枯之良法亦寒疝虛勞之良

方也。

產後五 腹痛煩滿。

產後腹痛煩滿不得臥。枳實芍藥散主之。

產後腹痛煩躁脹滿不得臥。是木燥而尅土。土鬱而氣滯也。枳實芍藥散泄土鬱而清木燥也。

枳實芍藥散 百六十

枳實燒令黑芍藥等分
勿太過

右二味杵爲散服方寸匕。日三服。并治癰腫。以麥粥下之。

產後六 瘀血十六

師曰產婦腹痛法當以枳實芍藥散假令不愈者此爲腹中有瘀血着臍下宜下瘀血湯主之

產後腹痛法當以枳實芍藥散雙泄土木之鬱假令不愈此爲腹中有瘀血着於臍下肝氣鬱阻而爲痛也宜下瘀血湯桃仁蠶虫破其瘀血大黃下其癥塊也

下瘀血湯 百六十一

大黃

三兩

桃仁

三十枚

蠶虫

二十枚

去足熬

右三味末之煉蜜和爲丸以酒一升煎一九取八合頓

服之瘀血下如豚肝亦主經水不利。

產後七

惡露不盡十七

產後七八日無太陽證少腹堅痛此惡露不盡不大便煩躁發熱切脈微實再倍發熱日晡時煩躁者不食食則譫語至夜即愈宜大承氣湯主之熱在裡結在膀胱也

產後七八日無太陽表證但覺少腹堅痛此惡露之未盡也其證不大便煩躁而發熱若切其脈或覺微實再患切倍發熱日晡時益以煩躁者此陽明之府熱胃氣鬱結必當不食食則中氣愈鬱燥熱逆衝而作譫語至夜而陽消

陰長則愈是宜大承氣湯泄其府熱以其熱在胃裡結在膀胱之府也。益胃腸內實燥土尅水病及膀胱膀胱結燥肝木失滋故血道瘀澁惡露不行木氣遏陷少腹堅痛也。大承氣泄陽明之熱故膀胱清而惡露下。若有太陽表証太陽者膀胱之經是宜解表之法用核桃承氣抵當湯丸以下瘀血此無太陽証全是陽明之累及膀胱故但清陽明膀胱白愈也。

產後八 中風十八

產後中風續數十日不解頭微痛惡寒時時有熱心下悶

全日集角 卷三十一
乾嘔汗出雖久陽旦證續在耳可與陽旦湯

即桂枝湯方在下利

產後太陽中風續數十日不解頭痛惡寒時時有熱心
下壅悶乾嘔汗出此皆太陽中風之證日期雖久太陽之
陽旦證續在者可與陽旦湯以解其表陽旦湯即桂枝湯
傷寒太陽篇傷寒脈浮自汗出反攻其表此誤也 問曰
證象陽旦按法治之而增劇答曰病證象桂枝是陽旦即
桂枝義甚明白喻嘉言無知妄作乃有桂枝加黃芩之論
又造陰旦之方庸愚狂謬何至於此

產後九 中風發熱十九

產後中風發熱面正赤喘而頭痛竹葉湯主之

產後中風發熱面色正赤喘而頭痛此陽虛土敗水泛胃
逆肺氣壅滿陽鬱頭面而不降也竹葉湯竹葉枯梗涼肺
而下氣生薑葛根清胃而降逆附子溫寒而暖水桂防燥
溼而達木甘棗人參補中而培土也蓋產後中氣虛弱一
感風邪鬱其表氣肝脾下陷而生寒胃膽上逆而生熱其
發熱面赤喘促頭痛皆陽逆上熱之證卽其胃逆而上熱
知其脾陷而下寒非寒水下旺君相之火不至格鬱而不
降也

竹葉湯

百六十二

竹葉

一把 葛根

三兩 桔梗

一兩 生薑

五兩

附子

一枚

桂枝

一兩 人參

一兩 防風

一兩 甘草

一兩

大棗

十五枚

右十味以水一斗煮取二升半分溫三服溫覆使汗出
頭項強用大附子一枚破之如豆大入前藥揚去沫嘔
者加半夏半斤洗過用

產後十

中虛煩嘔二十

婦人乳中虛煩亂嘔逆安中益氣竹皮大丸主之

婦人乳子中氣虛弱胃土不降相火上炎而生煩亂渴氣

薰衝而作嘔逆宜安中益氣竹皮大丸竹茹石膏止嘔而
消煩甘草桂枝補中而下衝白薇涼金而退熱也

竹皮大丸

百六十三

生竹茹

二分

石膏

二分

桂枝

一分

甘草

七分

白薇

一分

右五味末之棗肉和丸彈子大以飲服一丸日三夜二
服有熱倍白薇煩喘者加柏實一分

產後十一

下利二十一

產後下利虛極白頭翁加甘草阿膠湯主之

產後陽衰土濕木鬱生熱風木疏泄而病下利亡血之後

復若泄利虛憊極矣宜白頭翁湯清其溼熱加甘草以培
中氣阿膠以滋風木也。

白頭翁加甘草阿膠湯百六十四

白頭翁二兩 黃連三兩 黃柏三兩 秦皮三兩 阿膠二兩

甘草二兩

右六味以水七升煮取二升半內膠令消盡分溫三服
附方

千金三物黃芩湯十

治婦人在草蓐自發露得風四肢苦煩熱頭痛者與小柴

胡湯頭不痛但煩者此湯主之

黃芩 一兩
苦參 二兩
乾地黃 四兩

右三味以水六升煮取二升溫服一升多嘔下蟲。

千金內補當歸建中湯 十一

治婦人產後虛羸不足腹中刺痛不止吸吸少氣或苦少腹中急痛引腰背不能飲食產後一月得服四五劑爲善令人強壯宜。

當歸 四兩
桂枝 二兩
芍藥 六兩
甘草 二兩

大棗 十二枚
生薑 三兩

右六味以水一斗煮取三升分溫三服。一日令盡。如大
虛加飴糖六兩。湯成內之於火上暖令飴消。若去血過
多崩傷內衄不止。加地黃六兩。阿膠二兩。合八味湯成
內阿膠。若無當歸。以川芎代之。若無生薑。以乾薑代之。

金匱懸解卷二十二

昌邑黃元御坤載著

婦人

雜病

婦人雜病緣於脾腎寒濕風木枯燥淫泆而傳化也或有寒水不能生木木鬱而發熱者究竟標熱而本寒除熱入血室外餘皆陽浮假熱之證未可恣用陰涼之品末以陽虛積冷總結婦人諸證妊娠產後雜病共計三十六證無不皆然也

雜病一

熱入血室二十二

婦人中風發熱惡寒經水適來得之七八日熱除脈遲身涼和胸脇滿如結胸狀譫語者此爲熱入血室也當刺期門隨其實而瀉之

此段見傷寒少陽篇婦人中風發熱惡寒而值經水適來之時得之七八日後熱解脈遲身體涼和是當愈矣乃胸脇脹滿如結胸之狀而作譫語者此爲熱入血室熱不在外而在內也蓋少陽之經下胸貫膈而循脇裡經氣不降橫塞胸脇故滿如結胸相火逆升而爍心液故作譫語以

肝主血，心主脈。甲乙同氣，君相交通，故血熱而心病當刺厥陰之期門，瀉其經中之實熱，以散血室之瘀蒸也。

雜病二

婦人中風，七八日續來寒熱，發作有時，經水適斷，此爲熱入血室，其血必結，故使如瘧狀，發作有時。小柴胡湯主之。

方在嘔吐

此段見傷寒少陽婦人中風得之七八日後，續得寒熱往來，發作有時之證，而值經水適斷之時者，此爲熱入血室，其血必當瘀結，熱結血分，少陽之經氣不得外達，陰陽交爭，互相束閉，故使寒熱如瘧，發作有時也。小柴胡湯發少

陽之經邪熱去則血可自下不下然後用下瘀之劑也。

婦人中風而值經水適來適斷之時當經傳少陽相火鬱發不得泄露邪熱隨內傳必入血室以其經脈新虛最易受邪也。

雜病三

婦人傷寒發熱經水適來晝日明了暮則譫語如見鬼狀者此爲熱入血室治之無犯胃氣及上二焦必自愈。

此段見傷寒少陽篇婦人傷寒發熱而值經水正來之時晝日清白明了暮則譫語如見鬼狀者此爲熱入血室以

血爲陰夜而陽氣入陰血熱發作故譫妄不明治之勿犯中焦胃氣及上焦清氣必自愈也

雜病四

陽明病下血譫語者此爲熱入血室但頭汗出當刺期門隨其實而瀉之灑然汗出則愈

此段見傷寒陽明篇陽明病下血譫語此爲胃熱入於血室蓋心藏神而神之魂藏於血血熱魂擾故心神皆亂而作譫語頭爲手足六陽所會陽氣上蒸表不能閉故頭上汗出而身無汗熱鬱血分不能外泄宜刺厥陰之期門以

泄血熱隨其實處而泄之。一得減然汗出則熱解而病愈矣。

雜病五 半產漏下二十三

寸口脈弦而大。弦則爲減。大則爲芤。減則爲寒。芤則爲虛。寒虛相搏。此名曰革。婦人則半產漏下。旋覆花湯主之。

此段見傷寒脈法及虛勞吐衄二篇。水寒木枯則脈弦。營虛衛浮則脈大。弦則陽衰而外減。大則陰衰而內芤。減則陽氣不足而爲寒。芤則陰血不充而爲虛。寒虛相合。此名曰革。如鼓之外硬而中空也。氣血虛寒。脈如皮革。婦人見

此則胎孕殞落而半產經脈沉陷而漏下。旋覆花湯旋覆
行血脈之瘀。葱白通經氣之滯。新絳止崩而除漏也。

旋覆花湯 百六十五

旋覆花 三兩 葱白 十五莖 新絳 少許

右三味以水三升煮取一升頓服之。新絳即帳緯用新
染者能入血分。

雜病六 隔經漏黑二十四

婦人陷經漏下黑不解膠薑湯主之。

婦人經水溢則升而赤寒則陷而黑血藏於肝而肝生於
腎腎寒不能生木木鬱血陷則漏下黑色久而不解此以

寒水之失藏風木之善泄也膠薑湯阿膠滋木而息風
菴藉溫肝而暖血也

膠薑湯 百六十六

阿膠 乾薑

原方缺載

雜病七 經水不利二十五

婦人經水不利下抵當湯主之。

經水不利必有瘀血壅阻宜抵當湯下其瘀血也

抵當湯

百六十七
方見傷寒太陽

水蛭

三十枚 熬 去足

桃仁

三十枚 去皮尖

大黃

三兩 酒浸

右四味爲末水五升煮取三升去滓溫服一升

雜病八

帶下二十六

問曰婦人年五十所病下利數十日不止暮即發熱少腹裡急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之。

婦人年五十所病下利數十日不止脾土濕陷而風木疏泄也土濕水寒善而陽不內歛是以發熱乙木鬱陷不得

升達故腹滿裡急手厥陰之脈行手掌而上中指手少陰
之脈行手掌而走小指下寒而君相之火不根於水故手
掌煩熱陰精脫泄肺津枯燥故唇口乾燥此病屬帶下之
證以曾經半產瘀血在少腹不去陰精不能上濟故少腹
尖其閉藏厥陰行其疏泄下流而爲帶也蓋神藏於心精
藏於腎半產之家腎氣虛寒瘀血凝澁結於少腹阻隔陰
陽交濟之氣故陰精流溢而爲帶證素問骨空論任脈爲
病男子內結七疝女子帶下瘕聚以任者諸經之統任
中陽秘則爲受妊任脈寒冷陰精失溫凝聚則爲瘕流溢

則爲帶陰精之不脫者帶脈橫束環腰如帶之收引也水
寒木陷帶脈不引故謂之帶下何以知其爲帶下也其證
唇口乾燥陰精下脫而不上濟故知之也帶下之證下寒
上熱下寒故下利裡急上熱故煩熱乾燥此當溫腎肝兩
經之下寒溫經湯歸膠芍藥養血而清風丹桂芍藥破瘀
而疏木半夏麥冬降逆而潤燥甘草人參補中而培土柔
黃生薑暖血而溫經也

溫經湯 百六十八

當歸 二兩 川芎 二兩 芍藥 二兩 阿膠 二兩 桂枝 二兩

丹皮二兩 半夏半斤 麥冬一升 人參二兩 甘草二兩

生薑二兩 吳茱萸三兩

右十二味以水一斗煮取三升分溫三服亦主婦人少腹寒久不受胎兼治崩中去血或月水來過多或至期不來。

雜病九

帶下經水不利少腹滿痛經一月再見者。土瓜根散主之。
婦人帶下經水不利此以血瘀而不流也。血瘀木陷不得升達則少腹滿痛木陷風生經水疏泄則一月再見。土瓜

根散桂枝芍藥達木而清風土瓜根蠱蟲破瘀而行血也

土瓜根散 百六十九

土瓜根 三分 蠱蟲 三分 桂枝 三分 芍藥 三分

右四味杵為散酒服方寸匕日三服陰癩腫亦主之。

雜病

婦人經水閉不利藏堅癖不止中有乾血下白物礬石丸主之。

婦人經水閉澁不利藏中堅癖不止中有乾血阻陰精之

上濟而下白物血瘀因於木陷木陷因於土濕濕土遏抑

木氣不達，故經水不利。木陷而生風，疏泄失職，藏中精液流溢，故下白物。礬石九，礬石收濕淫而斂精液，杏仁破滯氣而消痞硬也。

礬石九

百七十

礬石

三分杏仁一分

石二味末之，煉蜜和丸。如棗核大，內子藏中，刺者再內之。

雜病十一

吐涎心痞二十七

婦人吐涎沫，醫反下之，心下即痞。當先治其吐涎沫，小青龍

湯主之

方在痰飲

涎沫止乃治痞半夏瀉心湯主之

方在嘔吐

婦人時吐涎沫此正氣內格肺金不降津液凝痰而上溢也醫反下之土敗胃逆濁氣填塞心下卽痞當先治其吐涎沫以小青龍湯泄其積水涎沫卽止乃治其痞病證濁陰痞塞陽不根陰二火升炎下寒上熱半夏瀉心湯以甘參聚溫補中脘之虛寒芩連清泄上焦之鬱熱半夏降濁而消痞也

雜病十二

藏燥悲傷二十七

婦人藏燥悲傷欲哭象如神靈所作數欠伸甘麥大棗湯主

之

肺屬金其氣燥其志悲其聲哭婦人藏燥則悲傷欲哭狀如神靈所作不能自由蓋五行之氣升於九天之上則暢遂而爲喜喜者心之志也陷於九地之下則幽淪而爲恐恐者腎之志也方升未升喜之未遂則鬱勃而爲怒怒者肝之志也方陷未陷恐之將作則淒涼而爲悲悲者肺之志也以厥陰風木之氣善耗津血風動而耗肺津肺金枯燥故悲傷欲哭欠者開口而呵氣伸者舉臂而舒筋陰陽之相引也日暮陽降則生欠伸欠伸者陰引而下陽引而

上未能即降，金主降燥，金欲降而腎又引之，故數作欠伸。甘麥大棗湯，甘草培土，大棗滋乙木而息風，小麥降辛金而潤燥也。

甘麥大棗湯 百七十一

甘草 三兩 小麥 一斤 大棗 十二枚

右三味，以水六升，煮取三升，溫分三服，亦補脾氣。

雜病十三 咽中炙瘡二十九

婦人咽中如有炙瘡，半夏厚朴湯主之。

濕土堙塞，濁氣上逆，血肉凝澁，結而不消，則咽中如有炙

二四三
二卷三
九
鶴半夏厚樸湯茯苓泄濕而消痰，半夏薑蘇降逆而散滯也。

半夏厚樸湯 百七十二

半夏 一升 厚樸 三兩 生薑 五兩 乾蘇葉 二兩 茯苓 四兩

右五味以水七升，煮取四升，分溫四服，日三夜一服。

雜病十四 腹中疾病三十

婦人腹中諸疾，痛當歸芍藥散主之。方在妊娠。

婦人腹中諸疾，痛無非風木之尅濕土氣滯血凝之病也。當歸芍藥散，芍藥養肝血而行瘀，苓澤白木燥土氣。

而泄溼與妊娠之腹痛無二法也

雜病十五

婦人腹中痛小建中湯主之

方見虛勞

婦人腹痛風木之尅土也小建中湯桂枝倍芍藥而加膠飴泄風木而滋脾精也

雜病十六 血氣刺痛三十一

婦人六十二種風腹中血氣刺痛紅藍花酒主之

婦人六十二種風總因營血之瘀燥風木之失養也紅藍花酒養血行瘀以達風木也

紅藍花酒 百七十三

紅藍花 一兩 以酒一大升煮減半頓服一半未止再

服

雜病十七 水與血結三十一

婦人少腹滿如敦狀小便微難而不渴產後者此爲水與血俱結在血室也大黃甘遂湯主之

敦音對黍稷器盤類

婦人少腹脹滿其狀如敦小便微難而不渴病在生產之後者以水寒土濕乙木抑遏積久與瘀血俱結於血室故腹滿而便難大黃甘遂湯阿膠清風而潤木大黃甘遂下

瘀血而行積水也

大黃甘遂湯

百七十四

大黃

四兩

阿膠

二兩

甘遂

二兩

右三味以水三升煮取一升頓服之其血當下。

雜病十八

轉胞三十三

問曰婦人病飲食如故煩熱不得臥而反倚息者何也師曰此名轉胞不得溺也以胞系了戾故致此病但利小便則愈腎氣丸主之

方在消渴

婦人病飲食如故煩熱不得臥寐而反倚物布息者此名

轉胞不得溺也以胞系了戾迴轉故致此病此緣土濕水寒而木氣鬱燥不能疏泄也濕寒結滯溺孔凝澁不閉胞滿而不出則氣鼓而系轉水溺不行濁氣莫泄肺氣逆升鬱而生熱故煩熱倚息不得眠臥病不在胃是以飲食如故腎氣丸荅澤瀉水而燥濕丹桂疏木而達鬱地黃清風而潤燥附子暖腎而消痰山萸薯蕷斂肝氣而攝水也。

雜病十九

胃氣下泄陰吹而正噴此穀氣之實也以猪膏髮煎導之

黃疸

胃中濁氣下泄前陰氣吹而正喧鳴此穀氣之實後竅結塞而不通也猪膏髮煎猪膏亂髮利水而滑大腸泄濕而通膀胱也

雜病二十 陰寒三十五

婦人陰寒溫陰中坐藥蛇床子散主之

婦人陰中寒冷腎肝之陽虛也宜以坐藥溫其陰中蛇床子散去寒濕而暖水木也

蛇床子散 百七十五

蛇床子

右一味末之以白粉少許和合相得如棗大綿裹內之自然溫。

雜病二十一 陰痿三十六

婦人妊娠產後推病共計三十六証

少陰脈滑而數者陰中卽生瘡陰中蝕瘡爛者狼牙湯洗之

手少陰脈動神門

在小指後掌下高骨間

足少陰脈動太谿

在足內踝後

此少陰脈動尺中也尺脈滑而數者水寒土濕生氣不遂

木鬱於水而生下熱也前陰者腎肝之所司木鬱下熱陰

中卽生瘡陰中蝕蝕肌肉潰爛者狼牙湯洗之泄其鬱熱

也

狼牙湯

百七十六

狼牙 三兩

以水四升煮取半升以綿纏筋如繭浸湯

漚陰中日四遍

雜病二十二

婦人之病因虛積冷結氣爲諸經水斷絕至有歷年血寒積結胞門寒傷經絡凝堅在上嘔吐涎睡久成肺癰形體損分在中盤結繞臍寒疝或兩脇疼痛與臧相連或結熱於中痛在關元脈數無痞肌若魚鱗時着男子非止女身在下未多經候不勻令陰掣痛少腹惡寒或引腰脊下根氣衝氣衝急痛

膝脛痛煩奄忽眩冒狀如厥癩或有憂慘悲傷多嘔此皆帶下非有鬼神久則羸瘦脈虛多寒三十六病千變萬端審脈陰陽虛實紫弦行其鍼藥治危得安其雖同病脈各異源子當辨記勿謂不然。

婦人之病因於脾腎陽虛積冷結氣隧道阻塞血瘀木陷爲諸經行斷絕不復流行至於歷年血寒積結胞門痞癥不消此癥瘕之在下者若寒傷經絡血脈結澁則凝堅在上蒸其相火逆刑辛金嘔吐涎唾久成肺癰肌肉消減形體損分此癥瘕之在上者若在中盤結繞臍寒疝作痛或

兩脇疼痛內與藏氣相連此癥瘕之在中而純寒者或結
熱於中痛在臍下關元脈數無瘕肌膚甲錯枯若魚鱗然
結於內男女交合熱淫傳染時者男子非止但在女身此
癥瘕之在中而變熱者凡此諸病起於腎肝在下未多往
往經候參差遲速不勻或令陰氣掣痛少腹惡寒或痛引
腰脊下根氣街氣街是陽明之動脈在
臍腹之交又名氣衝氣衝急痛膝脛疼
煩奄忽眩暈狀如厥癇之疾狂或不清或有憂慘悲傷而
多怒嘔此皆帶下之疾使然非有鬼神之憑附也蓋上中
下三部一有氣血寒凝則阻格陰精上濟之路下流而爲

帶下血結精流血脈枯槁本氣不舒故掣引作痛悅怒乖
常久則身體羸瘦脈虛多寒而成勞傷不起之證婦人妊
娠產後雜病共計三十六病悉因此生及其成病則千變
萬端不可勝數醫家於此審脈之陰陽虛實緊弦行其針
藥於以治危得安其雖同爲一病而人之強弱不一是以
脈之陰陽各異源流子當辨記此說勿謂不然此窮妊娠
產後雜病之源而總結之